

Tačka 6. Informacije o preuzetim aktivnostima po zaključcima sa prethodne sjednice UO

Stručna služba UPFBiH je shodno zaključcima sa prethodne sjednice UO u proteklom periodu preduzela sljedeće aktivnosti:

1. Uputili saopštenje za medije vezano za Tuš.

Saopštenje je objavljeno na 15 . web portala sa cijelog prostora BiH i dvije dnevne novine Oslobođenje i Nezavisne novine.

Također u toku su pregovori sa ekspertima koji bi trebali pripremiti Prijedlog izmjena propisa sa rješenjem da se domaće kompanije ubuduće zaštitite od ovakvih prevara i privrednih prestupa.

2. Pokrenuta je inicijativa u vezi nelojalne konkurencije u saobraćaju

Prema zaključcima sa posljednje sjednice Stručna služba je uputila zahtjev za pristup informacijama prema Ministarstvu trgovine, turizma i saobraćaja TK, Ministarstvu saobraćaja i veze HNK, Federalnom ministarstvu prometa i komunikacija, JP Međunarodnom aerodromu Sarajevo, JP Međunarodna zračna luka-aerodrom Mostar d.o.o., te JP Međunarodni aerodrom Tuzla.

Do sada smo dobili odgovor od JP Međunarodnog aerodroma Tuzla i JP Međunarodnog aerodroma Sarajevo. Dopise možete preuzeti [OVDJE](#).

3. Uputili inicijativu Oba doma Parlamenta FBiH za davanje autentičnog tumačenja Zakona o vijeću zaposlenika

Na osnovu Odluke Upravnog odbora od 17.12.2014. godine u oba doma Parlamenta Federacije BiH upućena je inicijativa za davanje autentičnog tumačenja člana 23. Zakona o vijeću zaposlenika.

Iz Kabineta Sekretara Predstavničkog doma su nas obavijestili da su našu inicijativu uputili u proceduru odnosno Vladi FBiH i mjerodavnom tijelu Zastupničkog doma PFBiH, na očitovanje, te da će nas o dobijenom mišljenju obavijestiti u što kraćem roku.

4. Uputili Inicijativu za donošenje Odluke o smanjenju carinskih stopa kod uvoz određenih roba-mašine u rudarstvu

Na osnovu Odluke Upravnog odbora od 17.12.2014. godine pokrenuta je inicijativa za donošenje Odluke o smanjenju carinskih stopa kod uvoza određenih roba-mašine u rudarstvu.

Inicijativa je upućena Ministarstvu vanjske trgovine i ekonomskih odnosa.

Pored inicijative UPFBiH je zatražilo od PK FBiH, VTK BIH, UUPRS, UUPBD, JP Elektroprivrede,

Rudnika mrkog uglja Banovići, Kreka, Kakanj, Zenica i Breza da daju svoju podršku inicijativi. Do sada smo dobili podršku od Privredne komore FBiH i UPBD. Navedene institucije su svoju podršku zajedno sa našom inicijativom uputile i MVTEO BiH.

5. Federalnom zavodu PIO/MIO uputili zahtjev za hitno stavljanje van snage Pravilnika o utvrđivanju radnih mjesta na kojima se staž osiguranja računa sa uvećanim trajanjem

Shodno Odluci sa 23. sjednice Upravnog odbora UPFBiH od Upravnog odbora Federalnog zavoda za mirovinsko i invalidsko osiguranje zatraženo je da preuzme sve aktivnosti u vezi stavljanja van snage Pravilnik o utvrđivanju radnih mjesta na kojima se staž osiguranja računa sa uvećanim trajanjem („Službene novine Federacije BiH“, broj: 64/12).

U cilju upoznavanja nadležnih organa sa problemom poduzete su aktivnosti vezano za organizovanje sastanka predstavnika UPFBiH sa pomoćnikom Ministra za rad i socijalnu politiku FBiH iz oblasti PIO.

6. Za 29.01.2015. zakazan sastanak sa CCI-om vezano za Memorandum o razumjevanju između UPFBiH i CCI.